



UNIVERSITÄTS-
BIBLIOTHEK
PADERBORN

**R. P. Vincentii Brvni, Societatis Iesv, Meditationes, De
Præcipvis Mysteriis Vitæ & Passionis D. N. Iesv Christi**

Cum Veteris Testamenti Figuris, & Prophetijs, varijsque Documentis ex
quoque Euangelio depromptis, Nunc ex Italico in Latinum translata

Meditationes in Passionem Et Resvrrrectionem D. N. Iesv Christi

Bruno, Vincenzo

Coloniae Agr., 1599

VD16 ZV 2606

Meditatio 38. De Titulo cruci imposito.

[urn:nbn:de:hbz:466:1-59870](https://nbn-resolving.org/urn:nbn:de:hbz:466:1-59870)

MEDITATIO
TRIGESIMAOCTAVA.

DE TITVLO CRVCI
imposito.

EVANGELIVM.

Matt. 27.

Marc. 15.

Luc. 23.

Ioan. 19.



CRIPSIT autem titulum Pilatus & causam eius, & posuit super caput eius. Erat autem superscriptio scripta literis Græcis, Latinis, & Hebraicis: Hic est Iesus Nazarenus Rex Iudæorum. Hunc ergo titulum multi Iudæorum legerunt. Dicebant ergo Pilato Pontifices Iudæorum: Noli scribere Rex Iudæorum; sed quia ipse dixit, Rex sum Iudæorum. Respondit Pilatus; Quod scripsi, scripsi.

PROPHETIÆ.

Isaia 19.

ERIT altare Domini, in medio terra
Ægypti, (Iudææ, quæ ob malam vitam

um altera Ægyptus erat) & titulus Do-
mini iuxta terminum eius.

* Dicit in gentibus quia Dominus re-
gnauit à ligno.

* S. Iustin.

Martyr. in
diale. cont.

Trypho.

affirmat

hanc esse

antiquam

huius Psal-

mi lectio-

nem, qua à

Iudæis cor-

rupta sit.

i. Punctu.

CONSIDERATIONES.

SCRIPSIT titulum crucis Pila-
tus non quemadmodum Iudæi vo-
lebant; sed vt diuina prouidentia in
honorem Saluatoris, & gloriam Eccle-
siae suæ constituerat. Scripsit ergo: *Iesus*
Nazarenus Rex Iudæorum. Nomine I E-
SVS, quod Saluatorem significat, indi-
catur per mortem & crucem eius salu-
tem nobis partam esse. Nomine Naza-
reni, quod est floridus, indicatur inno-
centia & sanctitas Christi, ipse enim erat
flos ille pulcherrimus, ex radice Iesse, su-
per quem, vt Propheta inquit, requies-
ceret Spiritus Domini. Nomine Regis,
indicatur potentia & dominatus Chri-
sti, in vniuersum orbem: quare & titu-
lus pluribus, maximeque celebratis &
latè patentibus linguis conscriptus est,
quo diuina prouidentia indicabat fore,
vt omnis lingua & omnes populi can-
fiterentur, quod Iesus Christus rex sit
regum, & Dominus Dominantium.
Denique nomine Regis Iudæorum, id
est, confitentium & credentium, indi-
catur

Isaia ii.

O

catur

Dan. 9.

catur eos, qui ipsum negassent, non fore populū ipsius, nec Filios regni ipsius; sed eos solū, qui sicut veri filij fideles Abrahæ, ipsum confessuri, & sanctam fidem accepturi essent.

O cæci & miseri Iudæi, videte, vt per hunc thalū triumphalem clarè demonstratur inuidia vestra, & malitia vestra confunditur. Nam ea ipsa de causa mortis, quæ ibi scripta est conuincitur non esse dignus morte. Si enim Iesus est Saluator, non debebat morte affici, qui venerat ad præstandum vobis salutem & vitam. Deinde si est Nazareus, id est, floridus & innocens (ipse enim est flos ille, qui toto orbe spargit odorem virtutum: est innocens, vt Pilatus non semel, & Iudas proditor ipsius testati sunt) innocentia & virtuti non mori, sed vita; non ignominia, sed honor debetur. Terrio, si est Rex & Dominus vester, grande scelus est, Regem suum occidere: cum præsertim omnes populi, & à multis traditum est, viso rege lætis vobis acclamare soleant: Viuat Rex. Denique si Rex est Iudæorum, de vestro est sanguine impium est autē sine causa scire, & non dare aliquem cognatum sanguinis. Præterea si Rex est Iudæorum, id est, confitentium, non conuenit,

ut eum negetis & cōdemnetis, sed confiteamini, & adoretis, ut legitimum Regem & Dominum vestrum.

Alia autem quadam ratione, propter hunc ipsum titulum conueniebat, imò necesse erat mori Christum. Dicitur enim Iesus, sicut Angelus dixit, quia ipse saluum facturum esset populū suum à peccatis eorum: quod non poterat, nisi morte pro illis satisfaceret; qui cam meruerant: quia ex lege sine sacrificio & sanguinis aspersione, non fit remissio peccatorū. Deinde debebat mori quod esset Nazarenus, id est, floridus siue innocens: & Iesus erat flos de quo Propheta prædixit, fore ut caderet & exsiccaretur. Iam verò, cum inter omnes homines solus ipse innocens esset & sanctus, solus ipse Patris irā in peccatores suo sacrificio placare potuit: conueniebat igitur eum solum pro peccatoribus mori. Tertiò, quia erat Rex, & boni Regis & Principis est, præcedere populum in bello, & primos hostium impetus in acie excipere, ut filij Israel Samueli dicebant, *Rex erit super nos, & egredietur ante nos, & pugnabit bella nostra pro nobis*: sic Saluator noster ut verus Rex præcessit nos, & excepit impetus mortis & Diaboli,

Matt. 2.

Isaia 59.

Heb. 9.

Isaia 40.

1. Reg. 2.

Heb. 9.

qui armati in nos irruebant. Sua igitur morte, nostrā vincens, & ligno S. Crucis conterens caput tartarei tyranni, liberatos nos ex illorum manibus, saluti & vitæ restituit. Postremò, mori debebat, quia Rex erat Iudæorum, testamentum enim, quod illi populo regni illius factum erat, non poterat vim habere, nisi mors testatoris intercessisset. Itaque ut promissiones gratiæ & gloriæ, in illo testamento factæ, effectum consequerentur, necesse erat Christum testatorem mori, ut à Prophetis omnibus prædictum erat.

Sed, quæso te, Domine mi, si tu es Rex, ut indicat titulus, vbi diadema regium, vbi sceptrum: vbi sedes regia? nisi forte horum loco sunt spinæ, quibus transfixum est caput, clauus, & crux de qua miserabiliter pendes. Si es Rex vbi purpura & vestis splendida? vbi turbæ aulicorum qui comitentur, vbi exercitus qui defendant? Video te, Domine mi, nudum in cruce, pauperem, & ab omnibus relictum & contemptum: solum amor, ô dulcis Iesu, te relinquere non potest, sed manet socius, & honorat te in ipsa Cruce. Amor est corona, sceptrum, sedes regia, amor est purpura, & vestis regia, qua indutus es, amor est exercitus

DE PASSIONE DOM. 301

tuus, quo peccatum destruxisti, vicisti
mortem, diripuisti spolia inferorum, &
vim faciens, Regnum cælorum pro tuis
electis occupasti.

Eamus ergo, & vt veri confitentes,
veneremur & adoremus Regē nostrum:
confiteamur quia ipse est Iesus, id est,
Saluator & Redemptor mundi; precan-
tes, vt animas nostras sanet, & omnibus
peccatorum maculis expurget, confitea-
mur ipsum esse Nazarenum, id est, flo-
ridum, & petamus vt nos florentes om-
ni genere virtutum efficiat: confitea-
mur & Regem Iudæorum, id est cre-
dentium, cui Pater omnem potestatem
dedit in cælo & in terra, & petamus vt
defendat nos, ducatq; ad cælum, vbi il-
lum tanquam Regem nostrum confi-
teamur, & laudemus in æternum.

COLLOQVIVM.

ROGABIS Christū D. N. vt quo-
niam non solum per ignominiam
crucis, sed etiam per titulū diuersis lin-
guis conscriptum, passus est se pro scele-
rato & ambitioso haberi, & per omnes
populos diffamari; vires tibi gratiæ suæ
tribuat, quibus fortiter pugnes sub titu-
lo triumphali: vt illius virtute, victor

tentationū diabolicarum, possis ad maiorē gloriam sui sancti nominis, & animæ tuæ salutem, ab omnibus inimicis perfectam referre victoriam.

DOCUMENTA.

1. **C**UM in cruce tentationum, & tribulationum sumus, semper in ore & corde sit nobis auxilium & consolatio nostra, titulus triumphalis Crucis Christi.

2. Regem habere Christum recusant, quos pudet videri spiritualibus rebus & virtuti studere, ideoque respectibus humanis deterrentur sepe dicere aut facere aliquid ad gloriam Christi.

3. Certissimum aduersus omnes tentationes remedium est, certum & firmum voluntatis propositum. Cum igitur urget nos Diabolus, ut vel vocationem, vel cuiuscunque boni actionem, de qua iam statuimus, omittamus: respondeamus cum Pilato: Quod scripsi scripsi, quod seculi perfectum nolo. Sic subito Diabolus, instar Iudeorum, desinet molestus esse.

4. Viuens Christus, titulum Regis plañe reiecit, quia honorificus illi futurus esset; in cruce accepit, quod afferret infamiam. Sic seruis Christi fugiendi tituli, honores, dignitas, amplitudo tunc solunt

mittenda, cum in illis est patiendi materia sine ullo honore.

s. Titulum honoris sui Christus post tergum constitui voluit, calumniatores ob oculos suos. Serui Christi post tergum habere debent, & obliuisci laudes, & virtutes, qua illos in superbiam possunt erigere: contra semper ob oculos habere, quid peccare & in quo deficere solent, quod humilitatem auget.

* *

O 4 ME-